

ZIKTU THUMAPUI



*Piting Sunday School Zillai thupi leh a bu zik dinga
 Khuga Sadar Presbytery
 Nu leh Pa te deiksakna ka chan hi kiphatlam um kasa,
 a ziak chu zia gual Bible hilchian bu hi ka gel phaklo na ahi. Mahleh, theih dan dan
 in lehkhabu chuam te kaikhawm in guanggalth ahi.
 Mithiam ten bukhat le pek a za a sim a hilchianna a nei lai un,
 kei man zillai te hetthiam theih dinga chawmkim thei dinga zik chu umzia nei in a
 pawtloh khak ding ka lau hi.
 Lehkhabu chuam chuam te leh pauchap na zal in a bu a siam theih in ahung um thei ahi.
 A sung thu ahin ahun tawh kitnak lam hawi a
 Pathian thu zil dan lampi tamlo hung lang ve mai ding hi ahi deuh pen mai hi.
 Thil dang ah chun zildan tangpi zuih mai in ka hei.
 Tukum i Sunday School zillai hi "Pa Naranin mi vantang dinga a zik" tih hi
 chunkhawm pen in a.

 Zia zillai bu tawmtak mang hin Lalpan ko chuam te malsawm ta hen.*

Rev. B. Lala

SUKLATNA

Kolossa hilchian bu melmuthei ah a um tak ziakin Pathian chungin kipakthu um ta hen..!

Khuga Sadar Presbytery in hun chiasate ah midang te lekhabu siam kikawppi in Sunday School zillai bu'n ila mang sek ua, tuhin Pathian mapuina zal in eima'u khutsuak ngei kum bangzat ahem Sunday School zillai bu dinga nei leh mangthei a i um tau ahi. Ziakachun, kochuam te'n eimau khutsuak lekhabute ngei hi mangthiam ah abu chawk lam ale hapan thei le'u hin a dawi um hi. Kolossa lekhathtawt hi kochuam te gingtu hinkhua ah hin ding dan te Paul in nasatak ah a ziltilna bu ahia, eimau le gingtu hinkhua ei siamphatu ahi thei ngeina dingin simtute leh mangtu te Lalpa'n malzawl ta hen.


(UPA KHOMLUNLAL)
Moderator
Khuga Sadar Presbytery (KSP)
2017

Kochuam te pauchapna luldan a hechian mahmah a, "Ka kolbute hi hezing un" ati. Paul chu khrista ziakin Rom khua ah suangkul a tanga, a thuakna chu kolossa kochuam ten a hetzing u chun ginna lam ah a khanlet phah uh a kinem ahi. Chanchinpha ziaka thuak chu zahpih lo ding leh thuak le huam dingin a hilh hi. "Hehpina la kiang un um ta hen" a tih hi Pathian hehpihna chu amah dingin ahun tawk hi tih a hetchian ziakin alekhathawt simtuten "Hehpina" dawng zel leu tih a deihsak ahi.

Genkhawm ding:

- 1). Paul chibai bukna nunung apat hin kochuam ten hetzing dinga pha i sak te gen hileh..



Jesu, Justa : Juda mi hi a het ahi. Zie hunlai ahin Judate lak ah Jesu tih minpu hi um ngei in alang. Rom khua Juda ten Paul ala lawp pua'u a, Justa hin ala lawp a, Paul inle "Ka seppi- ei thamuantu" ati hial hi. Amau haw chu zektan mi ahiau.

Epaphras : Kolossa khua ah kochuam phuttu ahi. Epaphras nasepna Paul in a hetpi thu ze tak hin muh ahi. Epaphras hin kolossa leh a sehvel khawpi te dingin phatchuam a ngai mah mah sek ahi.

Luka : Luka hi a tawp tianga Paul zuitu ahi(2Tim.4:11; cf Philm.24). Luka hin 'Paul taksa a ling um' te kha a etkaw ngei a ginchak um hi. Paul in, 'Daktor deih tak' tin a koh a, 'ka seppih' atih te laka mi ahi(Philm.24). Chanchinpha thumna ziktu leh Nasepte bu ziktu ahi.

Dema : Dema hin khawvel a ngaihnat ziekin Paul a taihsan ta ahi kha(2Tim.4:10). Paul a kiana-ga um zing, mahleh Paul zuih zel ngam talo kha amak khawp mai ahi. Nidang lai inle mi ginum lo

ala um tho sek hi tih ei hetsak hi.

Numpha : Kochuam puitute lak a mi ahi a, a ln kochuam ten kikhaw-pna amat sek uh ahi. Khristain te dinga kiphaltak mi ahi.

Laodikei : Zie khua hi Paul in leh-kha a thawt ve ngei hi tih ze tak hin muh ahi. Kolossa mite kianga lehkha leh Laodikei khua a mite lehkha hi circular letter a tiu a, mi dangte simsak ve zel ding lehkha ahi.

Arhippa : Kochuam nasemtu pawimawh tak hi a het ahi. Paul in hi ding bik nei ah a kawih a bang hi. A nasepna chiah het ahi puai. Chanchinpha ziak a a kawlbute hezing dingin a hetsak hi. Kochuam te tawh Pathian hepina um zel dingin deihsakna a pia ahi.

3. PAUL MIMAL CHIBAI BUKNA (18) :

"Kei Paul in, Ka khut ngei in zie chibai bukna hi ka zik ahi" ati. Paul hin kochuam te a lehkha-thawt hi amah zik ngei ahi ti a ginngamna ding un amah khut ngei in a zik ahi tih a gen hi.

Zillai bu sung khendan tangpi :-

Zillai	Date		Bible Ch.	Pg No.
1	23/7/17	Kolossa Thumapui	1:6-8	04
2	6/8/17	Chibai bukna leh Kochuam hihna	1:1-8	08
3	13/8/17	Thagau lam pilna	1:9-14	12
4	20/8/17	Khrista chungnunna	1:15-20	16
5	27/8/17	Thuguk Phuandawhna	1:21-29	20
6	3/9/17	Chingthei dinga hihna	2:1-8	23
7	10/9/17	Khrista leh Gingtute..	2:9-15	26
8	17/9/17	Zitilna nawksak	2:16-23	29
9	24/9/17	Khrista ah hinna thak	3:1-11	32
10	1/10/17	Khristian Insung..	3:18 - 4:1	36
11	8/10/17	Thuhil belapna	4:2-18	40
12	15/10/17	District KKP Khawmpi		
13	22/10/17	DISTRICT PWF KHAWMPI		
14	29/10/17	District Khawmpi		
15	5/11/17	Zillai etnawna		
16	12/11/17	KUMTAWP EXAM.		

Zillai-1

KOLOSSA THUMAPUI

Bible sim di :- Kol. 1:6-8.

Changvawp :- Kol. 1:7

Kolossa hi Ephesa apat mel za(100) vel ah gamla a um, Lycus lui pam phaizawl ah um khua pawimawh pathum lak a khat ahi. A khua kiangte chu Laodikei leh Hierapolis ahi. Apa ni'u hin Lycus lui pang ah mel(miles) guk vel a gamla um ahiu. A khua chunglam uh mel 12 vel ah chun Kolossa khua hi a um hi. Phrugia gam a khawpi ala hin, Paul hunlai ahin Rom gamsung ala hi tai. Linling leh Tang kang tamna mun ahah ziakin alei chu a danglam bik hi. Linling chun hetzingna suang leh Inn lopi taktak te chu delh khum in, lui guam te khua mual a chansak sek a, zia te chun thil mak taktak a suah dawh sek hi.

Kolossa khua hi rawng(color) vawm in a minthang a, rawng chikhat vang chuh a khua min chawi in "**Kolossa rawng**" ati hial uh ahi. A khua pawimawh dan genna'n, Lal lopi pani- Xerxes leh Kura ten kido mi sepaih te chawlh mun in a la mang sek uh ahi. Mahleh bang pen zia ahin hetloh in Paul hunlai hin ala keniam ta ahi. A kibatpih Laodikei leh Hierapolis te tawh teh in a keniam talua ta ahi. Lightfoot chun "*Paul in lehkha a thawt te lak ah a pawimawh lo pen*" ati hial ahi. A khua hi thupi lo in pawimawh pen lo mahleh, a lehkhathawt ah a thugen hi a lopi ahi. A thu hi Asia gam ah ziltilna diklo tamtak lak ah khristian te kiven bitna pawimawh tak ahung hi tai. Khristian te suih sen guallo kivenbitna lehkha bu ating ahi.

chanchinpha genna a lawk thei pen a mang phachuam leu tih a deih ahi. "Pawlam mite" atih hi ginglo mite tihna ahi. Zie haw lak ahin la kidawl tuahnau in chingthei takin um dinga fuihna ahi. Paul in 'mitin' atih hi -miphalo leh pha, mi ching leh mawl, mi dik leh diklo, mi hausa leh genthei a huap vek hi. La bawn un "La kam ua thu pawt chu chi gual a al, hepihna pang hi zing ta hen"(6) atih ahi. "Chi" hi thil thiangtho, tuihsak, leh vawp phatna a mat ahi. Chanchinpha thu chun hinna a suthiangtho a, a sutui a, phatlohna lak ah a vengbit sek hi. 'Hehpina pang' tih hin hepina lungthim pang thu chu hepina pang a gen ding ahi tih na ahi. Midang te zothei ngei dingin hepina lungthim pun mi hopih dingin a fuih ahi.

2. KITHAKNA CHIBAI (7-18) :

Paul in kolossa mite chibai bukna nunung lehkhathawt danga ahi ngeilo, Rom lehkhathawt a abawl gual in a sepna mun a lawipha leh na seppih te tamtak a taklat te hi aban in zil leh hin.

Tukika : Asia gam Ephesa khua

mi ahi a, Jerusalem kial panpina ding thilpiak pawtu hi a het ahi (Ns.20:4). Kolossa leh Ephesa lehkhathawt hi amah puak ahi(Eph.6:21). Paul chanchin genna thei khawpa Paul kianga khawsa leh Paul in a muan chu ahi.

Onesima : Kolossa khua um sek ahi. Kolossa khua a um lai chun gingtu a la hi pua, Rom khua ahung nunga Paul thugenna piangthak ahi tai. Onesima tih umzie chu "Mattak" ahem "Phachuam" tihna ahi.

Aristarka : Paul in ka suangkul tanpih Aristarka atih hi Thessalonika khaw mi ahi. Paul panpih sektu ahi(Ns.19:29; 20:4). Paul in lawipha anei hi in alang hi.

Marka : Paul in a khualzinna a puisek, mahleh a puiz zel nawploh tak kha ahi. Hun bang hem ti zawh a Paul tawh nasem in a um tau ahi. Tukika te tawh kolossa ah a chiah uh ahi. Amah chungchang thu ah thupiak a hetsak hi bang ahah a chian pua, amah ala lawp dinga thupiak ahah chu a ginchak um hi.

ZILLAI – 11
THUHIL BELAPNA
BIBLE SIM DI :- KOL. 4:2-18
CHANGVAWP KOL. 4:6.

Paul in a lekhathawt hi fuihna leh chibai buknan a khak hi. A lawipha leh naseppite min a zik zosia te hin Paul hinkhua ah ngainat na nasatak a um hi tih a suchian ahi. A hunlai a simtute ding chun chian mahmah ding ginchak a um hi. Tu hun a simte ding chun chian tawklo, suih zui ngai deuh a um zel ahi. A dan ngai gual in Paul in deihsakna nunung leh ngainawp um takin a sutawp ahi.

1. PAUCHAP ZING (2-6) :

Kochuam sung ah mimal mal dinmun leh hihna ding a hilh nunga, a zathuap nan zilsakna leh fuihna thun a zawm kit ta ahi. "Pauchap zing unla" tih hi, "tuchak in pauchapna sunzawm zing un" tihna ahi. 'Sunzawm zel' tih hi (Gk. Pros-kar-terein) tih hi 'Kochuam te kipiakna leh biakna hinkhua tehna mat sek ahi (Ns.1:14; 2:42,46; 6:4; Rom.12:12). Pauchapna haihsan-lo dinga tupna nei taka thupukna siam(Lk.11:5-13) leh beidawng lo(Lk.181-8) te a kaw k hi. Chun, Kipak thu gen kawm zel in a pauchap sek a, zie gual a bawl ve ding chun a fuih ahi. Kipak-thu genkawm a pauchapna chu

ngak dingin a fuih ahi.

Paul in kolossa kochuam te pauchap sak a deih te gen in amah leh a naseppih te pauchap sak chuh bat a ngai ding leh a maw zosia'u dinga dawtpiak dingin a vaihak ahi.

Haksa taka um in suangkul tang himahleh kolossa kochuam te a vei zing hi. "Hun apha thei pen a mang zing in... chingthei takin um un.." (5) tin a fuih ham ahi. Paul thumal mat 'exa-gora-zomenoi' hi Grik sumdawng te paukam, 'a lawk leh daih tam thei pen a mang phachuam' tihna ahi. Pathian hun piak a dang um kit talo ding, tu hun mantam tak hi a lawk thei pen a mang dingin leh hun lemchang a neih phawt ua le

1. A ZIKTU :

Kolossa lekhathawt Paul zik hilo tia ginlahna khenkhat te - a thumal leh paumat dan tam tak a um tih ahi. Mahleh zia te haw chu belh chian dawlo ahi. Paul zik ngei ahi kichetna a nuai a gual hin :-

(i) A bu sung ah hin a ziktu hi Paul ngei ahi tih chian tak a suklat ahi (1:1,23; 4:18).

(ii) A lekhathawt pumpi ahin Paul lungthim leh mizia alang chian ahi.

(iii) Paul lekhathawt lak khawm masak pen apat in, Marcion lakkhawm nan le Kolossa hi a telzel ahi.

(iv) Kolossa leh Philemon lekhathawt kizawp dan et in mikhat khutsuak ngei hi in alang hi. Paul lawipha min kisu lang te a kibang(Kol.4:7-17; Philm. 2:23-24). Kolossa 4:9 ah Philemon lekhathawt ah langsar pen Onesima "Nangmau lak a mi" tin agen. Zia hin lekhathawt nih te hi ziktu kibang leh hunkhat a zik ngei a ginchak um hi. Philemon lekhathawt hi nial guallo a Paul zik a

pawm ahi. Ziaziakchun Kolossa lekhathawt hile Paul zik ngei ahi tia pawm ahi.

2. A ZIKNA MUN LEH HUN :

Paul in Kolossa mite kiangah a lekhathawt hi Rom suangkul a tân lai a Epaphras in Kolossa kochuam chanchin a gen hun a zik hi in ginchak ahi. Khrista a gindan uh leh mi thiangtho te a hehpih dan te (1:4), Khristian hinkhua a gahsuah danteu (1:6), Hehpihnate(1:8), a umdan uh leh ginna a det dan teu(2:5) a het in kipakthu a gen hi. Zia hunlai chun Kolossa kochuam chu subuaitu um pan hin ahe, zia subuaitute lak a pat chun ven lawkna piak phan ahe, zia lekhathawt hi a zik ta ahi. Ziaziakchun, AD 60 vel a Paul in Rom suangkul a tanlai a zik hi dinga ginchak a um hi.

3. KUATE DINGA ZIK AHEM..? :

Lekhathawt dawngtute hi kua te ahiu a, bang gual mite ahiu tih ala en hitiu. Kolossa mi thiangtho te kiangah thawt ahi tih hi nialna tak a um puai(Kol.1:2). Zia hunlai a Kolossa kochuam chu Paul phu hi in alang pua, tawh le a tawhlo

hi in alang(kol.1:4; 2:1). Ephesa khua Paul nasepna, chanchinpha genna khrista gingtu taizak te apat hung piang hi a ginchak ahi. Nasepte 19:10 ah chun.. *“Chutichun, Asia gam a um zosia Juda mi hin Grik mi hileu, Lalpa chanchin chu a he suak tau hi”*, tin a gen hi. Kolossa 1:6 tawh a kizawitawn a, *“Zia chanchinpha chu khawvel zosia ah gah ah apun pek gual in,...nangmau ah le ga in apung zing hi”*, Kolossa kochuam dintu hi ah ginchak Epaphras hin Ephesa ah Paul nasepna ah chanchinpha a pawm ta hi a ginchak ahi. Kolossa khua mi a hi a(Kol.4:12), Paul in amah leh a nasep pihte thasang hin a gen(Kol.1:7). Kolossa mite hi Jentel Khristian ahizak himhim unle Paul hi *“Jentel te dinga Pathian bel guat”* chu a kineih sak mahmah ahi. Kolossa kochuam mi hi a tangpi'n Jentel ahiv. A thagau lam dinmun uhi Judate thildan pansan in Paul in a hetsak hi. *“Lungthim lam ngaihtuahna ah kenchuam leh melma ala hin, nunsia tak in lala um tau a”*, (Kol.1:21). Zia gual hin kolos-

sa mite chu Jentel, namtel Judate Pathian thuthung a tello, pawlam mi a hihnau a genchian hi. A hindan lui uh gitlohna chuamchuam a gen hin jentel ahiv nau alang (kol. 3:5-7). Ziakiakchun, khrista zia ah ahihnau leh chanvo thak a chan uh a hih ahi.

4. A LEKHATHAWTNA ZIEK LEH THILTUP :

Paul in Kolossa mite kiang ah a lehkhathawt hi suangkul a tân lai ah a zik ahi a, kolossa khua chanchin hi Epaphras kianga pat in ala he(1:7); Ziakiakchun, lehkhah hi a thawt ahi. Laodikei khua kochuam te kianga le a lehkhah a thawt tih muh ahi(4:16). A lehkhathawtna zia pipen chu ziltalna diklo dodalna thu ahi. Kolossa ah ziltalna diklo hi Gnostic ziltalna leh Juda sakhua kichawhel a ziltalna ahi pen hi. Juda sakhua serh leh sang tamtak zui in, Judate gual chieh a um dingin Khristian te chu a phut sek uh ahi. Gnostic ziltalna bakhat chu *“Hetna”* a uar mahmah ui. Hetna bik bang hem ziaka hukdam hih a gingcha'u ahi.

iii) Suak leh Apu kitimatna :

Nidanglai in suak te chu mihing guala ngaih hilo in a thilnei gual mei ua ngaih ahiv. Suak te chu nasem ding, a sep zawloh phat uleh nawhdawh, amau thu a zi nei theilo, In suang theilo, zi neite cha nei ta leu amau a hitheilo, apu pau a asuak hi. Suak ten nasep chauh na a nei in a puu in hamphatna zosia a chang hi. Paul in suak leh apu kitimatna a genna ah kimang ngeilo thuthak ahizakiak suak leh apu te dingun kidang sa gel in'au. Suak chun ginum tak in na a sep ding ahi, mi muh lai chauh hilo in, mi muhloh lai in le hawi takin a sem ding ahi, a sepna kilang ding chauh hilo in, kuamah muhloh inle lungdam tak leh thanuam takin a sem ding ahi. Khristian itih te hi nasep ihah kat ding ahi. gingtu diktak

thadah a um thei puai. Na i sep phat leh midang te na sem gual a kingailo in 'khrista nasem in kingai un' tih ahi. I sep tak phawt Pathian a ahi.

Suak, puten van chung ah Jesu khrista, Lalpa nei nalai ahiv lam uh aki het ding uh ahi. Suak te nasep a etkawl gual un amau nasepna le a entuak ding khat um nalai ahi ti a het ding uh ahi. Zie nasep hi sem dinga Pathian in ei kawih ahi. Pathian dei banga sem ding ka hi a ti ding ahi. Suak in apu a dinga sep gual in, suak leh a pun a kibang in Pathian a dingin na a semgel ua, sepna thaman taktak leichung sum leh pai te hilo in, nikhat ni leh Pathian in a thaman hung pe ding ahi, tih na ahi.

Genkhawm ding –

1. Khristian insung bang gual hi ding i ngai uh em, i zillai ua pat hin..
2. Khristian insung ah haksatna um thei te a sukfel ding dan gen hileh.



(Heb.12:9; Jakob 4:7), a dan ah (Rom.10:3), thuneitute kiangah (Rom.13:1,5; 1Pet.2:13), Khristian te a hotu teu kiang ah (1Kor.16:16), Suak apu kiangah (Tita 2:9; 1Pet.2:18), Khang dawng te upa zaw kiangah (1Pet.5:5), Naupang te Nu leh Pa kiangah (Lk.2:51), Zite a pas-al kiangah (Eph.5:22; Kol.3:18; Tita 2:5). Grik leh Juda te insung dan chun zite pasal te kiangah kitulut dinga phut ahi a, Pasalte kiangah phut a lang puai. Khristian suangkuan kipuihuaina ah pasal ten zite hehpih dingin a phut ahi.

Khristian khat leh khat kitimatna chithum ngaihtuah khawm hitiu :-
i). Nupan kitimatna : Nidanglai a Judate ngeina dan in numei te chu i thilneih gual mai a ngaih ahiu. Bangmah thu neihna umlo. Pasal in a zi a ut leh mathei mei, ahin a zin pasal matheilo ahi. Grik te lak a chun numeite insung ah kikhum bichilh in, amau chauh a khawlak leh bazar vel ah vak theilo ahiu. A umna ding uh in chuam bawl sak in, a pasal teu nasan tawh anne khawm theilo ahiu. A numei chanpiah dang tawh

nuam tak ah a khawsak khawm uh leh le gitlo a ngaih ahiu. Judate leh Grik ten Pasal ten bangkim ah chan a nei un, numei(zi) ten pasal te chung ah mawhpuakna a nei in, a nau asem ding uh ahi. Hinla, khristian ahung um phat in zite chauh in mawhpuakna neilo in, pasal ten le mawhpuakna a nei ui. Khristian ahung hih phat un pasal deih dan chauh hita lo in zite deih dan a khawsak a kul ta. Khat deih dan chauh a khawsak chu khristian nupan khawsakna a kiti theilo ahi.

ii). Nu leh Pa leh Chate kiti-matna : Naupangten nu leh pa zah in a thumat ding kichian tak in ala kigen hi. Malai in Paten a chate a deihdan dan un a bawl thei ui. Suak dingin a zuak thei ua, lo a nasem dingin, a thah nawp uleh tha theihna ding thu a nei ui. Zie te haw ziak hin Paul in Kolossa mite kiangah 'la chateu sulungngai ki'u in' tin ala gen hi. Chate i hilh phat leh lungkie leh a lungngaihloh na ding i ngaihtuah a pawimawh hi. Thuhilhna leh tilkhohna tawh thuah thei leh hin nu leh pa hawih suak thei pan ding ihi.

Zia ziltina chun kochuam a sub- uai khawp mai ahi. Taksa leh khawvel hi gitloh ahi a, Pathian siam ahi thei puai, atiu ahi. Jesu Pathian hihna a pawm theilo bawkw uh ahi. Ziagual ziltina diklo hi zie lekhathawt ahin Paul in a dawng ahi.

Chun, a lekhathawt na ziak lang sar khat chu khristian te um dan ding thu hih ahi. Khristian chubang gual a hin ding ahem? tih Paul in hetsak kul asa, zie lekhahia thawt ahi.

GENKHAWM DI-

1. Paul in Kolossa kochuam ah a lekhathawt na ziak gual hi, ei kochuam ah mek belh thei um in i heu em..?



Zillai-2

CHIBAI BUKNA LEH KOCHUAM HIHNA

Bible sim di : Kol. 1:1-8

Changvawp 1:6.

Kolossa kochuam hihna tangpi tuni zil ding ihu. Paul in ze kochuam leh a sung a mite muhna lemchang neilo ahi tih i heta. Mahleh, amau mu leh he tak gual ah ahihnau leh mamawh tiang uh a gen thei hi. Zie hi a chanchin uh hilhtu Epaphras kichian tak ah agen ziak, ahihlohleh Paul hi khawpi chuamchuam a Kochuam phachuam tak phutu ahin, a thu hette apat in le kochuam killkawi a hechian mahmah ahi. Zieziak-chun, ahihnau leh dinmun mulo mahleh a thugen hi a gil ahi.

1. CHIBAI BUKNA (1:1-2):

Paul hunlai chun lekhathawt hi a thawttu leh amun leh khaw min a bullam ah gen in 'Kochuam tin' a gen sek hi. 1&2Korinth leh Galatia mite kiangah lehkha a thawt a chun "Kochuam" tin khristian te chu a gen sek hi. Mahleh, Rom, Ephesa, Philippi leh Kolossa te lehkha a thawt ahihleh, 'Kochuam' tilo in mihing lam agen hi. Paul in gingtu mimal pawimawh na a sulang diak a, Timothy hile a naseppih ding ah a guan leh a seppih deih tak ahi. Kochuam hi amin chauh a hilo in, mimal ki-

punkhawm ahih dan a sulang hi. Kolossa khua ah kochuam chu Paul in "Khrista ah mi thiangtho te leh suahpi ginum te"(1:2), tin a koh sek hi. Ephesa lekhathawt leh kolossa lekhathawt hi kochuam mite a koh dan hi a kibatna tak ahi. Ephesa kochuam te chu, "Mithiangtho Ephesa khua a um" (Eph.1:1) tin a koh a, Kolossa kochuam mite chu "Kolossa khua ah khrista ah mi thiangtho te" tin a koh a, chuleh Philippi kochuam mite koh nan le a mang hi. A danglam deuh chu, Ephesa mite chu "khrista Jesu ah mi ginum te"

2. PAUL ZILSAKNA :

Paul in insung ah chanvo chi chuamchuam nei - Pa, Nu, Cha, Hotu leh Suak te ki-unau dan ding a genna kamsuak pawimawh tak chu "Kitulut" tih ahi. Zie thu ahin Douglas Moo chun kituklutna ding bik guatna hi Paul in khrista ah kibang tia zilsakna tawh kikalh deuh in a he'i. Gal.2:28 ah chun. "Zie tak ah chun Juda mi a um ta pua'n, Grik mi le a um ta puai; zie chun suak a um ta puan, suaklo le a um ta puai; Chuleh pasal leh numei le a um chuam ta puai. Khrista Jesu ah chu la leng un pumkhat la hingal un" ti i mu. Zie hin Rom inkuan ah mite chungnun piak dan bak ah pa pen leh suak neitute thuneihna chungnung tak te chu thuthung thak zilsakna tawh a kikalh ahi dan a sulang hi. Zie chun khrista taksa pumkhat hihna a kalh hi in Moo chun a ngai hi. Hagelberg chun, Paul hin Rom leh Grik hotu muhdah thu leh Pukna a siamloh na'n ahun lai ah a chin dan(culture) uh mang ve mei hin ah tia ngaih dan hi chu Paul hinkhua ah a zah umna gen beina hi in a ngai hi.

Paul in khrista ah kipumkhatna leh kitanggualna hi inkuan ah leh mihing hinkhuawmna chuam chuam ah a pawimawh tih a uar hi ngaihnep chi ahi puai. Mihing ki-unau na tangpi - Nu leh Pan kal ah, nu leh pa leh chate kal, suak leh apu kikal te ahi. Khrista ah zie ki-unauna chi chuam chuam te hi a danglam taktak pua, paihthak nei ahi ding khat le a um puai. Pathian mah ah danglamna a um puai. A niam zaw leh sangzaw a um puai. Khrista ah chun a kibatlohna a umlo zia ei hilh ahi.

3. KI-UNAU DAN :

Pasal te kiangah zite kituklut dan ding genna Grik a chun hypotasso zie chu "thupiak nuai a um" tihna ahi. Pathian kianga mihing kitulut hem, sepai a hotu teu thunuai a kitulut ahem, nasemtu a sepsaktu kianga kitulut ahem, Pathian hem Jesu hem nuai ah nawplo chun chung a thitha te a kituklut uh genna te a huap hi (Lk.1:17,20; 1Pet.3:22; 1Kor.15:27; Eph.1:22; Phil.3:21). Thuthungthak ah amat dan tangpi chu eimah deihtelna ah midang thu a um ding a kipie tihna ahi; etsakna'n, Pathian gingtute Pathian kiang ah----

ZILLAI – 10

KHRISTIAN INSUNG UMDAN

BIBLE SIM DI :- KOL. 3:18 - 4:1

CHANGVAWP KOL. 3:23-24

Paul in khristian insung nuam umdan ding a vei zia hi alang nasa mahmah hi. Eph.5:22 - 6:9; 1Tim.2:8-15; 6:1-2; Tita 2:1-10; 1Pet.2:13 - 3:7). Mihing thak hinkhua chu insung ah ahung lang pan hi. Zie thu hi kochuam leh khawtang ah mihing thak hinkhawmna a gen apat hin ahung um ahi. I tangnel na pen mun ah i mihing hindan hi a pawimawh khawp mei hi. Ngaihtuah ding a pawimawh chu, Insung hi hehpihna dawmna mun ahing ding chun dan(chiahpi nei) - a vaihawmna mun ahing ding ahi. Dan a kipuihuailo hi zalenna ahi pua, mahni masial pen te hinawpna ahi zaw sek hi. Zie hun lai chun Paul in kum zabi khatna ah khristian insung hindan a siam hi kum zabi sawmniha ah hin bang gual amat tak zel leh kizilsakna mat zel ding ahi em tih dawtna ala hi zel ahi. Zieziekchun ze thupi hi i zil taksau zathuap na gual deuh in zil a tup ding ahi

1. INSUNG KIPUIHUAINA -KHRISTIAN LEH KHAWVEL ZILSAKNA :

Bible ah inkuan ki-unau na gual deuh hi ginglo mi leh Judaten le ala nei ngei tau ahi. Mahleh, Paul in ala um tasa gin mei a tup puai. Mi zosia hi Pathian batpi a siam ahing ziakin Pathian dan hetna giltak a nei vek hi (Rom.1:32; 2:1-16). Zie chu amau ah Pathian lopina a neih kitna dingua piak

ahi (3:10). Hendricksen chun, “Bible a insung ah ki-unau na kizik hin a simtute chu a gen gual a zawm dingin a suhat ngal ahi” ati. Mihing thak chun kipakna dettak a nei hi. Pathian hehpina kipak taka pawmna chun gingtu chu ze insung ki-unau na pat hindawhiph ding hin a panpih ahi.

tih min a vuah a, kolossa mite chu, “Suahpi ginum te” tih min a vuah hi. Zia hi khristian te dinga min deih um tak chu ahi. Paul hin kolossa khua ah kochuam te chanchin hi Epaphras kianga pat a het chauh lo inle thu lamleng apat hetna nei in ah tih a ginchak theih hi. A khua tawh lo in a mite mulo mahleh min hawih tak a piak hin a thu dawn te hi a ging ngam tih a sulang hi. Khristian lak a kitaksan zawhna hin, sakhua ah a ginna’u takna chu a kizawitawn him ahi. Khrista thisan munkhat ah hin ahingziakin “Suahpite” tin a koh thei ahi.

2. CHANCHINPHA MASAWN ZEL (6) :

Jesu khrista chanchinpha punzel dan hi thilmak tak chu ahi. A hihna him ah pung leh masawn ding ahi himhim ahi. Chanchinpha chu Jesu khrista ahi tih hi a dik khawp mai ahi. Pathian in hukdamtu(Messia) a tiam chu Jesu khrista ah atung bukim a, kuale a ging zosia amah ziaka damna dingin mi zosia tatna a thi, mi zosia thawhkitna mapuitu ahing theihnan kumtuang

a hing dingin thihna zo in a thokit a, amah chu chanchinpha chi hing, a ging zosia’n hinna a nei a, pung lo thei leh masawn lo thei ahilo ahi.

Paul in chanchinpha masawn zel ding dal tup in nasatak in pan ala. Mahleh nehchep sangin amah ngeih chu a thehdaltu’n a pang zaw ta ahi. A khualzin thum veina Ephesa khua ah kumthum a cham in kochuam a puh hi. Zie hun sungah a nasepna ah kolossa khua um Epaphras chun Jesu ahun ging ve ta. Amah apat in kolossa mite chun khrista chanchin ahun he tau a, a ging ua, kochuam ahung ding ta hi in alang hi. Zie-ziakchun, Paul in, “Zia chanchinpha chu khawvel zosia ah gah ah apun pek gual in, nangmau ah le gah in a pung zing hi”(6) ti in chanchinpha zal zotu te ahung hi ve tau ahing thu a gen hi. Awl Awl a chanchinpha khawtin a masawn detdet chu khawvel huap ah a dalh zel dan hilhtu ahi.

3. PAUL KIPAKNA THU(3-6) :

Zia chang ah hin Paul in Pathian kianga kipakthu a genna ziek muh ahi. khrista Jesu a gintak ziak uh, mi thiangtho zosia te chungah hehpina a latsak ziak teu, chanchinpha a het ua kipat a kinepna a neih ziak un Paul in Pathian kianga kipakthu a gen hi. Chanchinpha zia kininepna anei ua, zie kinepna chu amau dinga van a kawih ahi van ah(Pathian kiangah) kinepna a neitak tak tau a, zie chu Paul kipakna ahi. A kiangua chanchinpha chun gah a suah tih a hetin a kipak ahi. Epaphras, Kolossa khua a kochuam phuttu kiangah pat in Pathian hehpihna chu a dawng ua, gah in a pung a, zie chun Paul a kipak sak hi.

Paul hi kochuam phuttu leh a lak ua nasemtu ahi paw na, kolossa mite kiangin thagau thiangtho zal in kihepituahna a neih teu a hetin kipak thu gen a nawp tak chu ahi.

4. PATHIAN HEHPIHNA**CHANGTU TE (6-8) :**

Paul in chanchinpha a tih tak chu "Pathian hehpihna ahi. Kolossa mite hihna chu, Pathian hehpihna chu thutak ah la ngaithak ua, la het ni'u ah kipat in nangmau ah le ga in apung zing hi"(6) atii. J.H. Stringer chun hepina a hilhchetna ah 'Deihsakna' tin a gen hi. Thuthunglui ah hepina genna Hebrai ah 'Hesed' "Hehpihna det", "Ginumna" tia gen ahi. Hebrai mah ah hepina genna chu 'Hen' a umzia chu "Phulo deihsakna" ahi. Zie hi Pathian leh mihing hileh a chungnung zaw leh lopi zawn a neute leh nuainung zaw te deihsakna genna ahi(Gen. 33:10,18; 39:4; Ruth 2:2; Jer.31:2). Zie hi mihing chan ahi puai, kuaman Pathian hi a phulo deihsakna a lan ngei puai, lat ding le neilo ahi. Thuthungthak a Pathian hepina chiantak a genna Grik a chun 'Charis' hi mat ahi. Hebrai 'Hen' genna a hi pen hi. A matdan a zil in ngaihdamna genna ahi (Kol.2:13; 3:13).

4. MIHING THAK (10-11) :

Khrista Jesu chu mihing thak a hinna chu a hung hi tai. Khrista chu kithuamna thak, hinna thak ahi ta ahi. Calvin in, "Mihing thak chu khrista thagau in dikna thu mang dinga siam thak chu ahi a; zie thagau mah chun hindan masa kha ahun siam thak ta. Adam apat piang i hih ziekin mihing lui chu ahung lang masa a, a nungah khrista zal ah i piangthak ahi" tin mihing thak umdan a genchian ahi. Paul chun, "ze mihing thak chu het bukim na nei dingin, a siamtu melpu'n siamthak in a um ahi" ati. Mihing thak chu ahihna ding gual tak a bukimlo, bukim dinga siamthak ahi.

Pathian batna lam ah mihing siam thak a um chun mihing zosia ki-unau na chu aman dawk sek hi. Khrista a siamthakna ah chun nam zosia leh chitin pau tin hi unau leh bul kipatna kibang

ahihna alang hi. Namtin kipumkhatna thu Paula'n a gen - "Grik mi leh Juda mi, zektan leh tanlo, pauchuam mite, skuthi mite, suak leh suaklo le a um diak ta puai" (3:11; cf Gal.3:28) atih hi Wall chun "Kipumkhatna Danpi" atii. Khrista ah kingakna 'hinkhawmna' (Kochuam) chu 'Kitanggual a hin khawmna' (egalitarian) ahi tin a gen zawm hi. Nam pil Grik te, Pathian namtel Juda te, Nam niam Skuthi- amau hi Russia gam simlam a cheng; ze taka cheng te hi nam mawl pen a ngaihte ahiu. Khrista a chun a danglam diak talo uh ahi. Chanchinpha chun ngaihsan bik, ngaihnam bik a nei puai, Pathian in deihsak bik leh kenchuam a nei puai. Ei hukdam dan leh ei hukdamna ziak a kidang diak puai. Khawvel ah nam chuam leh chi chuam tam tak te ki-unau na chi chanchinpha atuh zel ahi.

Genkhawm ding :-

1. Hindan lui leh thak i hetdan genkhawm hileh..
2. Milim biakna tih hi gingtlo mite bawl dan a va um khak hi milim bia ahi thei diam? genkhawm hileh..

kampau diklote, ngaihtuah na diklote ngaihtuah na diklote a huapvek hi. "Hukna te" ze hin utchakna thununlo, kisumna umlo a nawp dan a hinkhua mat a huap hi. "Nawpna phalote" ze hi nawpna i neih hi Pathian ei piak ahi a. I nawp dandan a bangkim chiahpi i tup hin nawp dan dan a um tup leh neih tup a kaw k hi. Chantaw k a lungawihlona chun papna ah a puilut sek hi. Papna hi Grik pau in "Pleonexia" atiu a, a umzia chu i neih bak a neih zel nawpna tihna ahi. Pathian in apiak tiang deih khawp lo a Pathian huatna leh a lemguat dodalna ahih ziakin milim hona ahi ta ahi.

Pathian lungnatna mihing chung ah ahung tunna zia k le a chung ah phatlohna chi chuamchuam ziek hih ahih thu Paul in ahilh ahi.

3. MIHING LUI LIPTHA (8-9) :

Tua gingtu hitate hi masang ah phatlohnate kha khrista zala Pathian tawh kichamna chun gitlohna leh thiamloh chansakna apat ei zalen sak tai(1:22), ze hinna thak chu hindawhpih a

pawimawh ta ahi. Lipthak ding atih te chuh a tangpi'n khawtang hinkhua a ding ahi. "Lungnatna, siatsona te, huatna te, la kam ua zamawh te" (8) ati ahi. A bawn a khaikhawmna alat dawh dan chu kampau ahem, thugen ahi pen hi. 'Lungnatna leh siatsona te mihing lungawihloh na puakzak, kiunauna susethei tak ahi. Gingtu ten taihsan ding ahi. 'Huatna' hi midang chungah thuphalo gen ahing daw k a, mihing khawsak khawmna haksatna atut hi. 'Gensiatna' tih hi Grik a chun 'blasphemia' a umzie chu Pathian gensiatna ahem, hanse lawhna tihna ahi, ze tak ahin chu mihingpihte gensiatna amat ahi. 'Kam zahmawh' tih hin kampau phalo, Pathian thu zahloh tak a gensiatna te hi a huap ahi. 'Zuau' tih hin thu mei hilo, a lem a hindan zosia a huap hi. Zie hindan lem/taklo chu hinna thak a san a ngai hi. Khrista zala siamthakna chun mihing lui chu a thilhihte tawh aliptha ahi.

Paul lekhathawt ahin hehpihna a langsal a, a bul patna leh tawpna'n a gentel ziah hi. Mihingte gitloh ziaka Pathian ma thiamlo changta mahleh, Pathian hehpihna a thiam chansak ahi(Rom.3:21-4:25). Zie hin dan

thilhih ah hukdamna a um puai tih a genchian hi.

GENKHAWM DING :-

1. I zilnau ah kipat in Pathian hehpihna i hetdan uh gen hileh..



ZILLAI - 3

THAGAU LAM PILNA
BIBLE CHANG :-KOL. 1:9-14
CHANGVAWP :-KOL. 1:9.

Tuni i zillai ding uhi, sawlchak Paul, mi thiangtho, kolossa kochuam te dinga pauchapna leh, Pathian lemguat leh nasep puanlatna ahi pen hi. A thu hi a chawm kimthei pen ah lakhawm in, a pawimawh te hetmilh loh ham i tup ding uh ahi.

1. THAGAU LAM PILNA(1:9-12). Paul in kochuam dinmun siat ding thu a het phat in amau ding in a pauchap sak ahi. “Ka het niu a kipat kei unle nanguh a ding ah pauchap leh dawt piak ka hai nai puau hi; thagau lam pilna leh hetna zosia, a dawilam hetna hidim ah la hung um theina ding un”(v9) a tii. A mah chauh a pauchap hilo in, a gingtu chanpih te tawh a pauchap ui tih het ahi. Paul mi hihna ettawn tak mahmah chu “Lawi leh Pai te a huap” hi ahi. R.W.Wall chun, Paul in Kolossa kochuam hin dan a het in a lungthim a vei in, a pauchap sakna hin thagau lam thil pawimawh hetmilh nei ahihnau a sulang a, Pathian in a hetnau supiting ding leh thagau lam pilna

leh hetthiamna pe ding in a nget-sak hi in a gen”. Mihingte hetthiam theihna khel lam ah pilna leh hetthiamna Pathian piak chu chang ding in a dawt piak ahi. Paul hi pauchap mi ahia, chawllo in a pauchap sek. Kolossa mite a ngetsak chu “Pathian dawilam hetna hidim ah la hung um theina dingun”(1:9)ati. Zie pauchapna hi Pathian dawilam het zel nawpna leh sukbu kim nawpna in a kipan hi tih a zilti hi. A tuptak chu, i deihdan hih dingah Pathian kalh sangin a deihdan hawl’, a thu sudanglam hi hen tih sangin ‘La thu hi hen’ tih zel ahi. Thu kinai taktak- hetna, pilna, hetthiamna te hi thuthunglui a zilti na hi a ngaih ahi. R.P. Martin chun zie gual hin a gen khen hi-

leh tui hihna diktak a neihnau ahia, ngaihdau mai ding hilo him-him ahi. Khrista ah a lungthim nga te chun lei ah hin van hin in a hing dawk thei ahi. “La thi tau ah, la hinnau chu Pathian ah chun khrista tawh selguk in a um tai”(3) tih hin khristian chanvo leh dinmun chu a khaikhawm ahi. Khrista tawh thi a, thokit a, lopitak a khrista hung kilat kit phat leh hung kilang ding ahi tai.

Jesu khrista gingtute hindan chu khrista ah a ki nga’u ahi- “Khrista i hinnau chu ahung kilat phat leh”(4) tin a gen hi. Khristian te chun Lalpa hung kitna mei hilo in zie hun a amah hihna tak latsakna bukim a kinep ahi (Rom.8:18; 1Jhn.3:1). Zie hun a chun khrista ah hinna thak neite chu lopi tak in kilang in tiu in, a Pathian biak uh biak tak a hih zia hung kilang ta ding ahi.

2. TAKSA AH LEI LAM THIL DAWINA THAT (5-7) :

Khrista hinna thuguk chun gitlo a do sek. Paul hin vangam lungthim pu ding in a zilti na sunzawm in, ze gual lungthim lih thei tu ‘la

taksau ah leilam thildeihna um’(5) ati ahi. Zie umzie chu mihing hinna ah gitlohna um tihna ahi. ‘That un’ tih hin nangmau ah gitlohna chu thunei tun pansak kiu in tihna ahi. Zie gitlohna chi chuam chuam te hi hinhak a hingte a chun a beitai, tihna ahi puca; thuneitun apang talo ding ahi, tihna ahi. Paul in gingtu hinkhua a lungthim dal theitu subei zel ding in a fuih ahi. “La thi tau a...chutichun... la taksau ah leilam thil dawm um te that un” ati ahi. Khrista hinna zawp zia a khawvel thilte thihsan tu (2:20; 3:3) leh gitlo thilhihtheihna thihsantu (Rom6:1-6) chun nisin hinna ah a takin gitloh thisan ding ahi. Khrista hinna tawh kizawpna chun gitlona tawh a kimelmak sak a, phatlohna thihsan ding a phut mai hilo in thihsan ding in a panpih a, thagau thiangtho thilhihtheihnan hindan dikzui ding in a hatsak sek hi. Thah ding taksa bak lei a um a tih a tangpi deuh chu - “Tatsualna” tih chun kichenna pawlam ah nawp dan dan a khawsakna a kawm hi. “Buaknate” ze hin

Genkhawm ding :-

1. Gnostic ziltlilna gual deuh a kiziltlilnan tuhun tianga gingtute a suksiet theih dan gen hileh..
2. Nek leh dawn thu ah, nichan thu ah te i ngaih dan uh gen hileh..

ZILLAI – 9**KHRISTA AH HINNA THAK****BIBLE SIM DI :- KOL. 3:1-11****CHANGVAWP KOL. 3:3.**

Paul in gingtute chu khrista thihna ah khan thi ta ahih thu leh khrista thawhkitna ah khan hinna thak nei in gitloh thihna apat kaihtawh ahih thu a gen hi. Hinna thak nei a um i hih tak zia kin khristian ten a zawh sek gitlohna chi chuamchuam taklang in, gingtute chun zie te haw chu hun tin a sumit zel ding in a fuih ahi.

1. KHRISTA TAWH KAIHTHAW (1-4) :

Paul in “Chutichun, khrista tawh kaithaw ah la um tak uh chun”, tih hi ‘Kaithawh la hih tak zia kun’ tihna ahi. Hinna thak nei in hun thak ah um ahih thu a gen hi. Zie hinna thak chu a dikna chanvo him uh ahih ziek in ngaihtuah takluat a ngailo ahi, amah a sa ahi. A lungthim uh chunglam a kawih ding leh chunglam ah thil umte

hawl ding in a gen ahi.

“Chunglam ah thil umte ah chun”(2) tih hi Pathian changlam ah khrista chutna mun ahi a. Khrista hindan chu ngaituah pipen a nei zing ding leh zie a hindan chu hinpih ngei ding in a hil hi. Van hindan zie tak chu, eimah kihemilh a midang te hephihna a genna hin a lang hi. Van mun chu kros a khetden khrista vaihawmna mun, a miten khua --

HETNA(Gk. Epignosis) chu Pathian dawilam hawl tawh a kizawm, a taka thu awihna a huap hi. Gnostic ziltlilna ah chun hetna(Gk. Gnostic) chun ngaihtak luatna leh a thu a hetna a kaww pen hi. **PILNA**(Gk. Sophia) a taka hindan tawh a kizawm. Pilna chun khristian chu a chiahna lam ding leh a hih ding guanggal dan a kawwmu sek hi. **HETTHIAMNA**(Gk. Sune-sis) hi a taka hin tawh a kizawm a, a hun zil leh a pawimawh dan zil a thupukna siam dinga het dik theihna ahi. Zie cheng hi khrista ah aum(2:2f), thagau thilpiak ahi. Barclay gen dan in nisin khawsakna a haksa leh deihtelna siam nan mat ding ahi. Theology thiam tak khat in, nisin i hinna lawhsam, kumtuang thil umdan ding genthiam tak, nisin hinhua mang thiam diaklo a um thei. Hih ding het sangin hi ding sukpitin a pawimawh zaw ahi.

2. LALPA ZUI TAK(10-14) :

Kolossa gingtute hihna dinga Pathian in a guat leh kinepna te hi Paul in a deihsak tak ah a pauchap piakna chang 10-12

ahin muh ahi. Lalpa zui taak ah a um theihna dinguh hi in a gen hi. Zie te chu, “nasep pha zosia ah ga suah”-(v10), mimal, sungkuan, kochuam, gam leh nam, thilsiam zosia dingah nasep pha a kimat; Pathian het bukimna lam a masawn zel in, Phil.3:13 a ‘kung lam zuan’ tia a gen gual in, gingtu chuh khrista leh Pathian het bukimna lam ah khangzel ding ahih dan a taklang; bangkim ah amah kipakna hi ding in a umzia chu “Pathian kipaksak dan bangkim a hawl” tih na mat ahi.

Khristian hinhua hi kidona haksa tak ahi mei pua, kipak taka haksatna palthen zel hi ahi. “Kipak tak ah bangkim thuak-hat tak ah la um theihna dingun” (v11) atii. C.F.D Moule chun, “Kipakna hi thuakna ziaka zungkai ahihloh chun alau sek” tin a gen. Thuakna hi i mihing chanpihte ngaih theihna; mimuh dah um, phunchiak leh phalotak te lak a dawhtheihna ahi. Gingtu thuakhat chun mi nunsiate hindan phatlohna ten a subuai pua, a lungnat sak pua, a beidawn saklo ahi.

Dawhtheihna (Gk.hupomone) hi mi phalote gensiatna thuak theihna ahi a, pawng thuak ngawt chu ahi puai. Zie gual thil phalo chu gah pha suah thei khawpa hei danglam dinga dawhtheihna ahi a, thilhihtheihna a nei sek. "Vak ah mithiangtho te go lua hpi dinga hun siampa" (v12). Vak ah tih hi -A hehpih tak a chapa gam ah tihna ahi. "Mithiangtho te go" tih hin khawvel leh Pathian gama Pathian mite chanvo a genna ahi. "Luahpi" tih hi nasa taka kipakthu genna ding hi in a gen ahi. Mihing in ei mah mimal chiat ah lulna tehna i nei chiat a, bang tik lai inle mihing lulna tehna ah Pathian gam thil leh mithiangtho te go hi a buk a gik ngei puai. Pual in "thil bangkim chan nan a guat"(Phil. 3:8) ti ahi. Mithiangtho te go hi khawvel mite tehna chun, a tawm a, a ngawluhuai a, kim leh kiang te khin thak a baihsai. Damsung ah a leh za a muh ding ah chun kichuh a baihsa. Mahleh, bang hitaleh khawitak mun hileh a lampi ah i chiah loh chun a tun theih puai. Mi thi-

angtho te go chan chu deih dan a luahpi thei ahi puai, luahpih tak a ei siampa a um a, zie a chun kipakthu i gen ding ahi. Mithiangtho te gochan luahpih thei ding chun eimah kihukdawk theilo, thim thuneihna nuai ah tang chu Pathian in a hukdawk thu a hun gen a, "A mah chun thim thuneihna lak ah kipat ei hukdawk in, a chapa dawichuam gam chun ei langkai tai", (v13). Hukdawk leh langkai tih thu hilchiantu tamtak gen dan hi a Moo in a ngaih chu -"Pathian in a mite Aigupta gam apat a mite a hukdawh tehkhinna thu ahi tih hi ahi(Exo.6:6-8). Aigupta gam apat gamtiam ah puidawk gual in thim thuneihna gam apat Pathian gam a langkai ahih thu genna chian tak ahi. A gen tup tak lakkhawm in - thim apat vak ah, sal hihna apat zalenna ah, thiamloh chansakna apat ngaihdamna, setan khut apat Pathian khut ah tih hi ahi.

3. A THILMUH TEU PANSAN A KISATHEI (18,19) :

Paul in ziltiltute nundan a gen hi a chianzo puai, chapo tak ahih uh a taklang hi. Midang te gindan gensiat leh vaihawm sak theitu hi in a kingai ui. "A thilmuh teu chu pansan in a taksa lam lungthim ua kisathei", (18) atih hi i ziltak sau a midangte het ngeilo "thuguk" he a kigen sek gual ukha ahi. Thagau lam thil gen hi awm tak a alat lai in khawvel lungthim pu ahi.

Taksa hi a ngainep ua, thilmuh (kilakna) a buaipih uh ahi. A taksau le a nawp dan un a mang ua, chapo(kisathe) tak in a hing ua, a hetnau a suang ua, vansawlchak a ngaisang ua Pathian chibai buk a buk ding hial in a zilti sek uh ahi. Zie gual mite hin khristian te chung ah thu a neih dinguh ahi puai, tin Paul in khristian te a fuih in a hetsak ahi. Khrista kochuam te lu taihsan in a deih dan tak un hinkhua a mang mai uh ahi. Zie gual mite gensiatna thu chu bang mah a ngailo dingin Kolossa mite chu a fuih ahi. Kochuam pumpi lu dinga khrista neitute ahihziek chauh a Pathian deih gual a khanglian zel ahih thu in a nam-

det kit ta ahi.

4. ZILSAKNA DIKLO AH KIPAT HILNA (20-23) :

Gingtute chun Judate selh leh sang te, dan thu a zilsakna te chu khrista thihna ah khan a thihsan ta ahi, Paul in ati. Khawvel mi, taksa mite chun "Sukha kin, tep kin, khawih kin tih te hi" a ngai pawimawh uh ahi. Mihing in a ngaihkawk leh ngaihtuah dawh dandan a um guan ahing mai uh ahi. Paul in nang uh khrista gingtute chu ze gual mihing phuah kawm zilsakna nuai ah chun ki-tulut ding la hi ta puau, ati. Mihing ngaih pawimawh thilte chu nek zawh mei theih, mat zawh mei theih ahi.

Vansawlchak biak, taksa ngainep na hinkhua hi a latdan mai chun Pathian thu zawpna leh ngaih pawimawh na hi mei gual in a langa, mahleh, ze gual chu ahi keilo ahi. Taksa hatna zawh ding zawngin ze a zilsakna hou hi a phachuam puai. Khrista ah hinthak hi bangkim in a phachuam mahmah ahi, tin Paul in a zilsak ta ahi.

thuakna chu hinna lampi pha a ngaih khat chu ahi. Zie guala taksa kismna lam chu Paul in a demna tak chu hi in alang hi. Paul in "Nek leh dawn thu ahem, Kut ni thu a hem, thathak thu ahem, sabbath thu ahem in kua man hun dem dah tau hen.." (16) ati ahi. Khristian te zie guala kipuihuaina dan chun a sukbuai pen ding ahi puai.

Ni leh hun bik dang chu um mahleh Paul in a ngaihkawk tak chu Sabbath chan thu hi in alang hi. Ni leh tha leh hunbik chan te hi chu atak lim(shadow) ahi mei a, zie zosia tawpna chu khrista ahi ti in, 'A tak chu khrista ahi' (17) ati. Sakhaw ziltilna leh thuginte, selh leh sang zosia le a zekchan chang tun amat dik chun phatna a nei vek hi. Mahleh, Paul hin a tak leh limtha hetkhen thiam chu a pawimawh hi ati. Kolossa kochuam chun khrista kiang tunglo sakhaw nasepna ala buai khan 'au tih a lauthawng ahi. Zie hi tulai kochuam kipuihuaina leh ziltilna khangzel ah hin ki etchianna amat zing a pawimawh hi.

2. NI CHAN THU (16) :

Kolossa Kochuam ahin kumsin ah kut, thasin ah thathak, hapta sin ah sabbath ni chan chungchang ah kinialna um hin alang. Ni chan thu ah ziltilna hi Gnostic leh Juda ziltilnan alang gelgel hi. Paul in ni leh hun bik chan himhim chu a dem puai. Israel ten Pathian dan leh namtel ahihna ziakua Pathian thu awi ah a kilatnau chu a demlo ahi. Sakhaw leh biakna a zehchan a ngaih lul takluat uhi dik asa puai. Ni leh tha leh Aksi te hole biakin anei ua, zie te chuh vangphatna leh vangsietna chungah umzie a nei tih ngaihdan hi ginglo mite ngaihdan te hi Paul in a dem ahi. Zieziekchun, ziltiltu diklo a demte hi ginglo mi ahem, khristian Gnostic ahem, khristian Juda ahem, hi thei vek in alang. Hiti guala kitih chuam ching langsar tak chu Essene te ahiu. Amau haw chu Tuipi thi pang vela khawsa sek khristian Judate ahiu. Paul in Juda dan khiltak apat zalen hita ngal, dan nuai mah a kun a telkit chu mingawl a tisak ahi.

Genkhawm ding:

1. Paul in Kolossa mite dinga a pauchap sakna apat in i pauchap sek dan genkhawm hileh.
2. Lalpa zui taak a um theih ding dan Paul in a gen te hi nei in i ki he'u em..?



ZILLAI -4

KHRISTA CHUNGNUNNA

Bible sim di : Kol. 1:15-20

Changvawp Kol. 1:15-16.

Tuni i zillai ding uh hi, “Khrista chungnunna” tih ahi. Zia hi Larry Hurtado chun, “Kolossa thupi pen chu sakhua a Jesu pawimawhna leh chungnung pen na ahi” ati. Moo in Kolossa 1:15-20 hi, Paul in khrista chu thilsiam ah leh thilsiam thak ah a bulpi pen ahihna sukdetna ahi, ati. Zie thu hi M.M.Thomas chun a ngaih pawimawh ziakin kolossa leh Philemon hilchianbu a zikna ah, “Thilsiam zosia lak ah piang masapen” tin a vuah hial ahi.

1. ZILTILNA BITLO/HIMLO :

Zillai masa lam ah ila gen tak kolossa mite kiangah Paul in a leh khathawt na ziak lak ah ziltilna nawksak ziltiltu a um tih i gen ta, zieta chu Gnostic tih ahi. Miching, thuak pilna neite(Philosopher) ahiu. Khristian hihna hi mawl a sau a, a deih khawp puau. Barclay chun khristian hihna hi a hun lai ua pilna gil(Philosophy) zia hi putsak a nuam a, zia gual deuh chun khristian thugin hile a chei bawl nuam hin a gen hi”.

Ziltilna nawksak ziltiltute iti Gnostic ahin chi chuamchuam a um ua, a ngaihndan uh kibang tangpi deuh, khristian thugin khawih

kha thei te zil i tup ding uh ahi. Thil(khawih thei, muh thei leh hetthei zosia) leh thagau (Lautha) a khen dang ui. Thil himhim hi gitlo in a kawih ua, thagau himhim ah leh pha suak in a ngai ui. Khawvel hi thil (a phalo/gitlo) apat siam hi in a ngai ua; Khristian ten ahihleh khawvel hi bangmalo apat a siamin a ging ui. Gnostic ngahndan chu Pathian chu ‘Thagau’ khawvel chu ‘Thil’ ahi a; kizawpna a nei thei puau ah; Pathian chu khawvel siamtu ahi thei puai. Mahleh, ‘thil’ (Khawvel) siamtu chu um in ginchakna a nei ve uh ahi. Zie gual hin ngaihndan mak deuh ahun pua dawk ua -

ZILLAI - 8

ZILTILNA NAWKSAK

BIBLE SIM DI :- KOL. 2:16-23

CHANGVAWP KOL. 2:20.

Tuni i zil ding uh hi Barclay in “Nungtawlhna” tin a gen a, Ralph Martin leh Masson ten, “Khrista zalenna humbitna atiu ahi. A ziak pha taktak gen theih in ah, a thupi kawih dan lam ah buai talua lo zawn, Kolossa kochuam ding thak subuai theitu zilsak na aleng vel hi tih alang hi. Judaism leh Gnostic ziltilna tihloh sakhaw dang ziltilna le kichawk pawlh hin alang. Paul in zie gual ziltilna nawk sak chu a khen thiam theihna ding uleh a buai khawlawhlo na ding un a kikaihhuai na ding uh a piaci. Zie hi kolossa te kiangah lehkha a thawtna ziak pen le hi in alang hi.

1. NEK LEH DAWN THU AH (16-17) :

Zie thu a bul patna “Chutichun” tih hin (10-15) sung ah “Khrista ah bukimna” a gen leh ziltiltu diklote chungchang a gen zawm na ahi. Paul in a ngaihhawk mahmah chu, thagau ah a dimnau chu khrista ah ahi a, thagau lam ah a khannau dal thei taksa leh a lang thei lam ah guanggalhna manga subuai guatute dodalna ahi. Chang 16leh 21 ah hin dan giltak hinkhua a ding a hung lang hi. A ziltil nau ah chun nek leh dawn theih leh theihloh

chungchang ah dan chipchil takte a um hi. Gnostic ziltilna ahi tia a ngaih theih lai in Judate nek leh dawn dan ah kileh kit tin a gen theih, thiang leh thianglo dan a um hi. I gen tak gual in Gnostic ten’tuil’ (thagau hilo) himhim gitloh a a ngaih ziakun dan um ahi thei. Zie hin lam khat a, ne hitin, dawn hitin, nunnawp bawl hitiu, zing a thimeithei ihi, ti a kithahdaihna a um hi. Chun, ‘taksa’ hi ‘thil’ ahiziekin diam a ngai puai, thagau suangkul ahin, a sietvak leh thagau a zalen vak ahi mei hi tih ngaih dan ahiziekin taksa

3. BATNA LEHKHA HIBEI (13-15) :

Paul in khrista tello a kolossa te dinmun a siet zie a gennan, “nanghaw la sukkhial na teu ziak leh taksa zektanlo ziek ah thi la hui a” (13) ati. Zie hi Ephesa te kiangah a gen tawh a kibang hi(Eph.2:1). Zektan lo ahi thu a hin kolossa mite chu Jentel ahiu a sudet hi. A sukkhial na teu zia-ka Pathian apat ‘thi’ Pathian ah hinna neilo la hui ah, himahleh khrista thawhkit tawh kigual khan hinna piak, sukhin kit la hitau ahi ati.

A chan uh lopi zie etsakna’n bat hih beisak ahem, ngaihdam sak ahem a mang hi. “Batna lehkha, thupiak ah kizik i chung ua um zing, ei kalsek chu a nuaimang tangal a; zie ngei chu khraws ah kilden in a hih bei tai” (14) ati. Batna lehkha (Gk.Cheirograph) ahi, Grik te hin batbu a nei ua, bat neitun a bat zat a zik a, amin zik in a bat dan tepteh ahi sek hi. Zie gual chun Pathian ah a dan zawp i ba, Pathian dan zawm bukim thei i um pua, mi zosian

Pathian dan zawp iba vek ta ahi. Khrista chun i leibat, Pathian dan zawp ngeingei ding chu i bawn ua sikin kros ah a thihnan a hih-bei tai. I sukkhialna te ei ngaid-am a, i bat chu a thihna ngei in a thaimang a, ei daltu i leibat chu ala mang ta ahi. Eimau ah gitloh thuneihna lal sek chu a zo a, a thihna chun i chungah thim thuneihna chu zawh in a um tai tih a etsak ahi.

Genkhawm di :-

1. Pathian ngaihdamna genchian dan phazaw i hette gen hileh..



Pathian apat in bang hem hung um(emanation), zia apat chu hung kisuangsawn zel a um a; Pathian a gamlat deuh deuh a, a tawp in ‘thil’ tawh kinaih leh kizawm thei a hung pawt a; zie chun “thilsiam khawvel” hi a siamta ahi. Zie gual a Pathian kisuang sawn zel chu chiah zel in Pathian helo deuh deuh in, a tawp in Pathian melma ‘de-me-urge’ a tiu chu ahung pawt tai. Khawvel siamtu ngei chu Pathian helo chauh hilo in, a melma tu hial in a sut uh ahi. Zie chu mi tamtak ‘Thuthunglui Pathian’ hi in a kawih uh ahi.

Gnostic ziltina leh a kizawppi khawvel pilna khangzel in Paul ah hun ah khristian thugin bak chuamchuam a sukha ahi. Khawvel siamtu, Jesu danglam bikna, Pathian mihing ahihna, Pathian hetttheihna, hukdam dingte, taksa kisukthian thute leh a bak kai thil tamtak kichian tak a dawnhuh a tup hin a lang hi.

2. KHRISTA BUKIMNA :

Paul in Jesu khrista hihna a gente hi ngaihtuah beh hitiu, Kolossa 1:15-16 hi huapzo khrista chu thilsiamte Lalpa, lei leh van leh

thil zosia siamtu, amah chu a hinna leh umna, atup gam lam zuan a puitu ahih na a gen hi. Chang 17-18 hi a chuam kit a, thilsiam um ma ah a um thu a sukrat kawm in, khrista chu thilsiam zosia khaikhawmna ‘thuthung’ hi in, a ‘lupen’ ahih thu agen hi. Chang 18b-20 hi a gawm khawm a, thilsiam zosia Lalpa chu Pathian hihna pumpi neitu ahih ziaka a zawhna ahi. Pathian lemkuatna dettak chu amah a pat suk bukim ahi. A thawhkit zia kin khawvel chanchin chun bul kipatna thak a nei ta. Thilsiam chu Pathian thiltup tawh chiahkhawm sakna dinga kichamna palai ahi ta ahi.

Paul in khrista hihna a gen, “Ama chu muhtheilo Pathian melpu ahin” (15) ati. Light foot chun ‘melpu’ tih chun umzia panih anei a, ‘Aiawh leh langdaw’ te ahi, ati. Paul in krista Pathian hihna chu mit a muhtheihlo, Pathian hihna tawh kibang, thumun, bangkim ah Pathian hihna latdawnha ahi ati. Pathian hi bang gual ahih he ding chun amah et mai ding ahi.

Jesu hihna lopitak dang khat chu "thilsiam zosia lak ah piang masapen ahi"(16) tih hih ahi. "Piang masapen" tih chungchang ahin kochuam masate lak ah ngaih-dan chuamchuam a um ah, kum zabi 2na ah Sabellius in Trinity thugin a zawp hi. Chun kum zabi 4na ah Arius chun, Khristian ten Pathian khat chauh nei ahina suklatnan Jesu hi Pathian hilo in thilsiam, um pat hun nei tih ahi. Zie te haw ziak hin kochuam sung ah buaina nasatak a um ziak in Nicea khawmpi(325) ah koh ahi. Zie hun ahin Arius ziltilna chuh nawlh in Nicea thugin ahung piang a; Jesu chu thilsiam hilo, Pathian hin, Pathian tawh hihna thumun, kumtuang mi ahi tih a namdet ahi. 'Piang masapen' tih hi Grik ah chun 'protokos' a umzia chu chawihawihna sangpen dawngtu tihna ahi. thilsiam zosia lak ah chawihawihna sangpen neitu tihna ahi. Zie hin Jesu chu thilsiam zosia lak ah alupen leh hotupen a hihna a kaw k hi. Inkuan a hin lak ah upa pen gen nan 'Piang masapen' tih mat ahi sek. Mahleh, Paul in zie tak ah

a mat hi mi chuam bik ahihna, a zah umna leh chungchuang bik genna mat ahi. A genchetna'n -'Piang masapen' tih chu zahna min(title), min zah um ahi; Israel nam chu Pathian 'cha tîl' piang masa tih ahi (Exo.4:22), khat kit chu 'cha tîl' chu Messiah kohna ahi(sam 89:27). Jesu chu thilsiam zosia masang a um ahi.

3. BANGKIM SIAMTU :-

Lei leh van siam na khrista chun-gnun dan a genna ah, "Amah ah chun thil bangkim siam ahi"(16) tin a gen tawp ahi. A tungin khrista a siam tih hin a chun khawm a, ahun khenzak chun, "Van ah umte, lei ah umte, mu theite, mu theilote, lalchutphate tawh, thuneihna te, bangkim ama a ding leh a mah ziak a siam ahi; chun bangkim um masang in ama chu ala um tan, amah a chun bangkim a kizawp khawm ui"(16-17) ati, Paul in Gnostic ten vansawlichak leh angel te a ngaisang ua, Jesu khrista chu amau lak ah khat gual chauh ah a ngaih u chu a dikloh dan hetsak in, amah siam vek a hih dan a gen hi.

a umsun chuh ahi tih hi Paul ziltilna ahi.

2. BUKIMNA KIKAWPPIH (10-12):

Khrista ah Pathian bukimna a um thu a genna apat gingtuten khrista ah chun a hinkhua'u ah bukimna a chan thu a gen zui hi. Ralph Martin in Paul hin bukimna tih hi hinkhua ah bukimna mihing in khrista ah a chan chu Pathian bukimna khrista ah a chan tawh kizawm in a ngai a 'taksa in' tih le khrista leh gingtute, kochuam te kizawpna genna gual in a ngai hi. Khrista chun Pathian bukimna amah ah a um gual in, zie bukimna ah chun a taksa, gingtute leh kochuam chu a um hih tin a ziltil hi. "Thuneihna leh thilhihtheihna zosia luchang"(10) tih hin gitloh thuneihna chungah thuneitu lalpa ahihia a sulang hi. Paul in khrista bukimna kikawppih ahih thu genchian zelna'n baptisma sacrament zektan ahih thu a gen zawm hi. Judaten Jentel khristian te chungah a nam chawndan(culture) taksa zektan aphut ua, zie hin a khristian hinkhua a nawksak ahi. Zieziek-

hun, Paul in Juda khristian ten taksa zektan a phut uchu dik salo in, "Amah ah chun nanghaw chu khut hilo ah zektan la hitau in, taksa ah gitlohna te chu lipthan, khrista ah zektan thu ahin khut a zektan hilo in khrista thihna ah zektan la hi zawu(zektan hi Juda ten Pathian thuthung a tel a kingaihnaui tepteh nan amang ui). Khrista thihna ah khan Pathian thuthungah puilut ihi ta tih hetsak ihia; zieziakchun, Paul in amah ah zektan la hi zawtau, ati ahi.

Chun, 'Baptisma' hi Judaten Israel sungkuan a telna gual in a ngai ui, thuthung thak ah chun Israel thak alut etsakna ahung hi tai. Zie tak ah Paul in a gen ziak chu khrista phum ah a umna kha gingtute Baptisma guat ahi. Khrista phumna ah gitloh leh a thilhihtheihna phum mang sak zosia ten a etsakna tui Baptisma a chang sek uh ahi.

ZILLAI – 7

KHRISTA LEH GINGTUTE KIZAWPDAN

BIBLE SIM DI :- KOL. 2:9-15.

CHANGVAWP KOL. 2:13-14.

Tuni i zillai ding uhin Jesu khrista Pathian ahihna leh amah ziaka kochuam te chanvo leh hihna deihum tak zil ding ihu. Pathian bukimna chu mihing bukimna a hih tho zia ahung lang hi. Zieziekchun, kuale a gingtu taphawt chu amah tawh kizawm in a um thei ahi. Mihing sep dawh hilo in, Mihing in Pathian apat a bat zosia chu sukbei sak in a um thei tai. Zie chu khrista kraws ah sukbei ahi. Gitloh thilhihtheihna zawhna chu Jesun a puang lang ta ahi.

1. PATHIAN BUKIMNA :(9)

Paul zilti pen tak chu, Jesu chu Pathian bukim ahi tih hi ahi. Zie hi Gnostic zilti na nialna ahi pen hi. A zilti nau chu mihing Jesu chu Pathian ahi thei puai, Pathian ahih chun mihing a hithei puai. Paul in, “Amah ah chun Pathian bukimna zosia chu taksa nei in a um zing ngal a”(9) tin agen hi. “Amah ah” tih hin boruak ah thunei hna leh thagau ah hilo in, mihing Jesu khrista ah tihna ahi. “Bukimna” tih hi Pathian bak khenkhat hi mai lo in, Pathian pum lum genna ahi. “Taksa nei in” tih hi ginkawm ngaih mai hilo in, “a taktak in” tih na ahi. Pathian bukimna chu a

tak in Jesu ah chun a um zing ahi. Gnostic te gindan a chun van thamzawl ah thagau um te chu Pathian apat hung pawt, Pathian chungnung pen leh khawvel ah mihingte kal ah palai ahi. Zie thu hi Pathian thuzilna lam hung khangzel in a chunkhawm, Pluralistic ngaih dan, khristian te Jesu chauh hi hukdamtu umsun khrista ahi bik puai, sakhua dang pathian te le hukdamtu(Khrista) ahi vek ui, tih a zilti nau pipen hi in alang hi. Zie gual zilti na diklo zia suklatnan Paul in, Pathian hihna tak chu a pum in mihing Jesu khrista ah chun a um a, hukdamtu chungnung leh danglam ngailo,

Bangkim amah dingah, a deih dan a um ding, amah chawihawi dingte leh amat dinga um ahi.

4. BANGKIM TAWH KICHAMNA :

Khrista chawihawina dinga bangkim tawh kichamna ahih thu Paul in a gen hi a kilawm him ahi(17-20). Jesu chu i bukimna ahi. Min Jesu a neih tak chu amah ah bangkim a um tih hen, a lungkim/awi sek hi. Bangkim ah bu-

kimna chu Jesu hi ahi. Amah Jesu ahin Pathian hihna leh mihing hihna bukim chu a um tihna le ahi.

Pathian leh mihing kichamna chu “Khrista thisan” ah ahia, zie kichamna chu pa lunglam tak ahi” (20). Jesu khrista ah bangkim kicham hi pa lunglam ahi a; zieziekchun, khrista ah chun bangkim a kicham sak ta ahi.

Genkhawm di –

1. Khawvel thil chiah dan siam phatna ngaihsak lo a, thagau mina chawisan in a phatloh theihna gen hileh..
2. Khawvel a thil um leh van ah thil umte khrista ah kicham ahih dan gen hileh



ZILLAI – 5

THUGUK PHUAN DAWHNA

BIBLE SIM DI :- KOL. 1:21-29.

CHANGVAWP - KOL. 1:26.

Tuni i zillai ding uh hi Pathian thuguk puan dawhna ahi. Thuguk kipuanna zal in kolossa mite Pathian tawh kikhen leh a melma ala hita te amah tawh kicham kitna thu in ahun pan hi. Chang 26 leh 27 na ah “Mi zosia kiangah khang tamtak leh suan tamtak ala hita kha... namtin dingah thuguk lopi leh lultak, zia thuguk chu, khrista nangmau ah a chenna thu a lopi dan tak hi ahi; tin chanchinpha thuguk kisel phuan dawh tak chu, khrista hung kilatna ziaka phuandawh ahi. Paul in chanchinpha ziaka phatchuam ngai tak ah a sepna leh a thuakna gendawh ahi. Amau hetna suanga thuguk he bik a kikawih Gnostic te ziltilna chu Pathian thu hilo in mihing thu ahi zawi tih a sulang hi. A het ngei ding un chanchinpha, hukdamna thu chu mi zosia ding ahih dan a ziltil ahi.

1. DINMUN LUI LEH THAK (21-22) :

Paul in khrista chanchinpha chu namtin leh thilsiam zosia hua-pzo ahih dan a genchian zawh in mimal hinkhua lam in a lutkit hi. Kraws thu ah ziltilna mangin (chang21-22) ahin kolossa ah gingtute dinmun masa leh a dinmun thak uh ahun la khawm ahi.

(a) **Dinmun lui** :- Martin in “Nang uh atih hin Kolossa mite chu vantang gual a koh lo in, mi-

hing ahihna gual tak in a koh a, a dinmun masau chu -”a thil hih uh phatlohna ziaka khenchuam leh a ngaituah nau ah melma” ala hiu. Paul ziltilna ah hin “thil hikhi-al” tih hi alangsar khawp mai a, mi zosian thil ahih khial tau a, tin agen (Rom.3:22b-23). Kolossa mite le - “Lungthim lam ngaituana ah khen chuam leh a melma ala hin” ati. Pathian apat mihing khenchuam ah a umna zia leh a melma ahihna zia chu gitlohna

‘lepto’ amang kit hi. ‘Zungkai’ hi ahihna ding gual a hita genna ahi a; ‘Lepto’ tih chu seplai leh sepzel ding genna ahi. Kolossa mite kiangah hin khrista chungchang ziltilna khangzel leh kisang danglam zeuh zeuh chu um zel ding tih gen in, a dindetna ding uh chuh thutak danglam lo leh san danglam theihloh, “Jesu khrista chuh Lal ahi” tih a hih thu a sudet hi.

Kipakthu gen zel ding leh khrista ah um ding ah a thupiak hi apawimawh khawp mai hi -”... kipakthu genzing un”(7) atii. Pakna thilhihtheihna hi Paul in Philippi suangkul a khan chian tak in ala heta. Banggual dinmun hi ziang leh le Pathian pakna chu setan in le lawh ngaihna a hetloh pen ahi. Ze gual a thuhilhna thu te a gen zawh hin chingthei dingin a genawn kit hi. “Chingthei tau in, chutilochun, kuanle khrista thulo gual in, mihingte thugosia leh

khawvel thubulte gual in, a thupil teu leh thepna maimai un gallak in hun la khan ‘au’..(8) ati ahi. Ziltilna dikloh dan leh a matchak panih a gendaw chu - (i) khrista thu sangah mihing thugosia ngaih pawimawh zawk, thupha leh hindan pha kiziltilna(Sakhaw lekhhabu sim in) Pathian thu sangah chungnung zaw kawih; (ii) Khawvel pilnan a huap -a kipkawi a suithiamna manga mipil leh mawl te lungthim zawh tupna te hih ahi. Kolossa ahin Greek pilna ziltilna te, Gnostic leh Juda sakhua ziltilna kichawh hel a nasat bek zia kin Paul in kolossa kochuam te a thuhilhna ah, “Gallak in hun la khan au”(8) tin a gen hi. A umzia chu “gu mang” “Thang awk” “Suak dinga pui” tihna te amat ahi. A nunsiat dan uh a gen ngal ahi. Kolossa mite chu melma nunsia tak te lak apat chingthei dingin a thuhilh ahi.

Genkhawm ding:

- 1). Tulai hin kochuam te i chittheihna ding uh lam chuamchuam genkhawm hileh.

2. THAMUANG DINGIN A HILH (2-5) :

Bit taka khristian hinkhua chiah-sak theitu chu thamuanna ahi. Paul in kolossa mite a deihsak chu thamuang tak ah a um uh ahi. Banggual dinmun hileh thamuang tak leh hangsan taka masawn theihna a um ahi. Ze thamuanna nei ding chun "Pathian thuguk"(2) a hawl dawh ua, a hetchian uh a ngai hi.

'Thuguk' tih nan Paul in Grik pau 'apokruphos' tih amang a 'mi vantang lak a sel' tih na ahi. Apokruphos hi Gnostic ten hukdamna dinga a ngaih uh, mi vantang ten a het gualloh thuguk kisel a ziknau lehkhabu min ahi a. Zia paukam chu thuguk chu genchetna'n amang tau a hi. Mahleh, thuguk 'khrista' - 'pilna leh hetna go zosia chu a kiselgu ahi'(2:2). Hetna (Gk.Gnosis) hi mit a muh leh bil a het apat thutak hetchian theihna ahi. Pilna(Gk. Sofia) chu nialdan piltak manga thutak gen mawia namdet theihna ahi. Thuguk tih hi muhtheihlo a selmang hilo in, khrista ah kawih ahi tihna ahem, khrista chu pilna leh hetna zosia kizawp

khawmna ahi tihna ahem ahi. Amah hilo a pilna nak hawl chu a thawn mai ahi. Judate thupuan zik ah chun pilna diktak hawl ding a mitin fuihna'n go selguk tehkhinthu amang sek ui. Thuguk hetna leh ginna ziaka malzawl-na dawng ding chun hepihna ah kisuihkhawm in a um ding uh ahi. Kisuihkhawm(Gk.Symbobazo) tih chu "Khui khawm" tihna ahi. Lungthim taka kihehpih tuahna'n a chûnkhawm ding uh ahi.

3. DINGDET DINGA THUHILHNA (6-8) :

Paul in kolossa kochuam te a dindetna ding uh chu khrista ahi tih sukdetna'n a genlang kit ahi. "Khrista Jesu, Lalpa chu la la pawm tak gual un" ti in Khrista Jesu chu Lalpa gual in ala pawm in ala lawp tau a; thutak a het teu leh ginna ahung khannau ah a thil chan uh tudet dingin a thuhilh ahi. Chuleh Paul in kochuam te tehkhinnan thingkung, "Zungkai ahung khangdawk a khangzel gual in, Jesu'n Pathian lalgam tehkhin nan ankam mu amat gual in amang sek hi. A zung thakna a kipatna leh kipuhna chu khrista ahi ati. Chun insakna lam thumal mangin

ahi tih chu pawm gual ahi. Mahleh, mihing ah gitlohna chinih aum a, mihing in ahih ding ahihloh ziak a gilo hem, ahihloh ding hih ziak a gilo ahem, tih leh hiloh ziak a gilo ahih hi chu mi zosia leh sakhua zosia pawm sa ahi. "Pianpih gilo leh gitlohna(Adam) chu a sawm zel" tih hi khristian thugin chu ahi. Paul ziltina haw i etchian chun hihkhial chu mihing pianken leh hihna khial(gilo) ziak ahi. Kolossa mite le amau kihelo in, a lungthim ngaituahnau a Pathian melma ala hi zing ahih thu agen ahi. Zia ahinna diktak uchu chanchinpha vak apat chauh in a hethei ui.

(b) Dinmun thak :- Paul in kolossa mite dinmun thak chu "Pathian tawh kicham a umta" tin agen hi. Thil hihkhial ziaka Pathian tawh kikhen a, a melma hitate kha khrista taksa thihna zia kin Pathian tawh kicham a um ta ahi thu agen hi. Zia gual ah a um theih na dingin Pathian in mihing taksa ahun pu ta ti in Gnostic ngaihda ahun la ta ahi. Hun chiah tasa ah khrista thihna hetzingna mai hilo in, gingtu ten tu hun a khrista

hinna a kizawppi dan a genlat a tup ahi. Mihing leh Pathian kimelma ahih tak nungah khrista thisan zal a kicham kitna hi 'Piangthak' tia kigen sek, zia chu kolossa mite dinmun thak chu ahi.

A dinmun thak uh chun mihing leh mihing ki unauna pha te, mihing leh thilsiam zosia tawh ki tihmatna pha a huap vek hi. Ginna ah ding det a, chanchinpha hetna ziaka kinepna neita te chun tha-suak lo dingin a fuih hi. Zia hi kolossa mite dinmun thak Pathian tawh kal ah a suklat chu ahi.

2.KHRISTA THAWKGIMNA SUBUKIM PEK (24-29) :

Paul in, " Zie nasem tu a siam ka hi", atih hin a kohtu leh a guattu chu a hechian mahmah hin alang, nasemtu(Gk. diakonos) tih hi apostol tih sangin a huapzo zawi, ginna lam ah panpihtu tih nan amang ahi(1Kor.3:5; Kol.1:1). A naseppih dang Apollo, Epaphras leh Tukika a huap nawp ziak hi in alang. Nasemtu ahih ziak ah a chanvo chu thuakna hi in agen zui a, "Tu ka thawkgimnate ah hin ka kipak hi" ati.

A thuak zing lai, suangkul a khum leh kochuam te ziaka a thuakna hi in a ngai(cf. Eph.3:1,13).

Chanchinpha ziaka suangkul a tanna chu a thuakna hih hin ah. Thuaksak a tih umzia hi chanchinpha helo laite dingin a sem a, a thuak a, zie chu thuaksak a tih umzia hi ahi. Mi dangte dinga thuak thei ahih chungah a kipak ahi.

“Ka taksa ahin ka subukim pek ahi”(24) A umzia chu zie gual hih ahi- A taksa chu kochuam te ahi a, kochuam te ziakin Paul in a thuak a, zia a thuakna chu khrista thawkgimna ka subukim pek atih hi chanchinpha ziaka kochuam te dinga a thuakna kha hi a ngaih ahi. Paul chu Pathian thugen dingin Pathian in a koh a, Kochuam te lak ah nasemtu’n a siam ahi.

“Zia thuguk chu, khang tamtak leh suan tamtak selguk ala hita”(26) ati. Ze tak a thuguk a tihi chanchinpha hi ahi a. Selguk ahih chu Juda leh Jentel te zosia dinga chanchinpha ahih zia-kin thuthung masa ah sel ahi a; tuhin chu a gingtu zosia kiangah

puan dawh in a um ta ahi, ati ahi. Pathian thuguk chanchinpha chu namtin dingah hetsak a nuam hi. Zie thuguk chu khrista, i lopina hih ahi ati ahi. Khrista hi i lopina, i kinepna’u kingakna, i kiangah a chenna hi ahi.

3. NAMTIN DINGAH (28-29) :

Chanchinpha chu kumkhua leh suan zosia lak a thuguk kisel sek khrista ah suklat ahi ta. Paul chu Pathian guat gual a nasemtu ahi. Khrista taksa, kochuam te ding ah a thuak thu muh ahi. Gnostic ten sakhua leh hukdamna chu hetna giltak nei mi tawmcha te ding chauh hi a agen chu a phetha ahi. Hukdamna chanchinpha chu mi thiangthote kiangah suklat in aum ta, namtin dingin ahi tih imu ahi. Chanchinpha’n mitin a huap ziakin Paul in “Mitin khrista Jesu ah bukim tak ah ka piak theihna ding un, mitin chu hilh in, pilna zosia ah hil in, amah chanchin chu ka gen sek uh ahi”,(28) atii. “Zie ding zia ah hin, aman(Khrista’n) ei sukhatna dungzui ah kimang in, gimtak ah sem in, ka kihabawl mahmah hi” (29) tih thu muh ahi.

Genkhawm di :

1. Khristian te dingah tuni tiang ah khrista thuakna sutzawp zel ding bang hi ahi diam..?



ZILLAI – 6

CHINGTHEI DINGA HILHNA

BIBEL SIM DI :- KOL. 2:1-8

CHANGVAWP 2:8.

Mithiam khenkhat in tuni i zillai dinguh Kolossa 2:1-8 hi bung masa ah i ziltak uh sutzawpna hi in a ngai ui. Zieziekchun, 1:24-2:5 hi thu lawmkhat gual in a ngai ui. Khenkhat in 2:1-5 sung hi a chuam in a kawih ui. Zie hi kolossa leh Laodikei kochuam te dinga Paul thuakgim dan genna ahi zel hi. Zieziakchun a malam ah i zil tak teu genchet zuina gual deuh in a ngaih theih hi.

1. PAUL IN KOCHUAM TE DINGAH A THUAKNA (2:1) :

Paul in thu pawimawh tak agen guat ahihziakin kolossa mite thinlung hawn nan a thuakna chu amau haw a ding ahihzia a hilh masa ahi. A thuak sak kochuam te chu, “Nanghaw leh Laodikei khua ah um te leh, taksa ah ka melmuh nailo te a ding ah banggual tuk a gimthuak ka hem, tih la het uh ka nuam hi”, (2:1) tin a gen hi. Lukas phaijang ah kolossa leh Laodikei khua kochuam te a min phak a,

ka melmu nailote a tih hi Hierapoli hi le tel ngei dinga ginchak ahi. Lukas phaijang ah kochuam te hi Epaphras phu ahih ginchak ahi. Paul ngei hin a lehkhathawt tiang hin ala mu nai puai. Zia chungchuan a chun nasatak in a thuak sak thu gen in, “Bang gual tuk a gimthuak ka hem?” atii.